



**Bou ons kinders vir
môre**

**Voorskoolse-
Sondagskool**

Lestitel: Die Tuin van Eden

'n Ouerhandleiding
Sondagskooltuisonderrig



Liewe Ouer

Welkom by die les: “**Die Tuin van Eden**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSH5
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die Tuin van Eden
Bybelwoord	Genesis 2
Lesdoelwit	Die kinders is bly oor die vrede en goeie verhouding tussen mens, dier, plant en God in die tuin van Eden.

Lesopsomming:

- Nadat God die diere en plante geskep het was daar niemand om vir hulle te sorg nie.
- Daarna het die Here 'n bietjie grond van die aarde geneem en 'n man daaruit gevorm. God het lewegewende asem in sy neusgate geblaas en die man het begin lewe. God het hom Adam genoem.
- God het toe 'n tuin in Eden geplant en vir Adam daar laat woon. Die tuin het baie vrugtebome waarvan Adam kon eet. God het vir Adam gesê dat hy van al die bome mag eet, behalwe vir een spesifieke boom, waarvan hy nie mag eet nie. Adam het presies geweet na watter boom God verwys.
- Verskeie diere was ook in die tuin en Adam het hulle almal name gegee. Hy het al die voëls en diere name gegee, maar God het gesien dat niemand van hulle 'n geskikte maat vir Adam was nie.
- God het gesien dat Adam alleen is en 'n vrou vir hom geskep. Haar naam was Eva.
- Adam en Eva het in die tuin van Eden gewoon met al die diere en plante. Hulle het in vrede saamgewoon en almal was gelukkig. God was baie bly om dit te sien.

Wat beteken hierdie les vandag vir ons?

- God was baie bly dat die mens na die diere en plante in die tuin van Eden kyk.
 - Die mens, die diere en plante het saam 'n vreedsame en gelukkige verhouding met God gehad.
 - Vandag moet ons ook sorg dat ons God se skepping met liefde versorg. Ons moet in vrede leef met ons naaste, diere en plante. Dit sal God baie gelukkig maak.
- Onthou, ons moet vir die skepping van God sorg.**



Sommige vrae wat ons kan vra:

1. Waarom het God besluit om die mens te skep?

Antwoord: Daar was niemand om na die diere en plante om te sien nie

2. Wat het God gebruik om vir Adam te skep?

Antwoord: Die grond van die aarde

3. Wie het vir die diere en die voëls hul name gegee?

Antwoord: Adam

4. Wat was die naam van Adam se vrou?

Antwoord: Eva

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.